



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Antonii Svcqv̄et E Societate Iesv Via Vitæ Æternæ**

**Sucquet, Antoine**

**Antverpiæ, 1630**

Cap. 11. de Acediæ mortificatione

[urn:nbn:de:hbz:466:1-54856](https://nbn-resolving.org/urn:nbn:de:hbz:466:1-54856)

- Pfal. 58. *Eripe me de inimicis meis, Deus meus, & ab insurgentibus in me libera me.*
- Pfal. 53. *Deus in nomine tuo saluum me fac, & in virtute tua iudica me, quoniam alieni insurrexerunt in me, & fortes quaesierunt animam meam.*
- Pfal. 30. *Illustra faciem tuam super seruum tuum saluum me fac in misericordia tuâ.*

## CAPVT XI.

*De Impedimento Acediæ submovendo per ardens profectus, & orationis desiderium, ad quod excitandum septem considerationes seu stimuli proponuntur.*

*Desiderium fervens optimū orationis condimentum.*

*Isaia 26.*

*Pfal. 81.*

*Ecccl. 10.*

*Septem considerationibus id excitandum.*

*Jerem. 48.*

*2. Cor 9.*

**Q**UEMADMODUM fames non tantum est optimum ciborum condimentum, sed etiam ut corpus reficiatur plurimum confert: ita desiderium fervens, pietatis studium & exercitationes pias mirifice commendat ac promovet, maxime vero orationem; cumque eam precedit, magnam condit suavitatem, & fructuosam animam efficit. Huiusmodi certe habebat Isaïas dicens, Anima mea desideravit te in nocte, sed & spiritu meo in precordiis meis de mane vigilabo ad te. Excute igitur torporem omnem in virtutis exercitiis: dilata ante orationem desiderio os tuum, & implebit illud Dominus, & dabit tibi petitiones cordis tui.

Si vero torpidus fueris, vide ne tibi accidat, quod viatori tardo & ignavo; is enim laborat & lassatur, & in urbem non pertingit, juxta illud: Labor stultorum affliget eos, qui nesciunt in urbem pergere.

Ad desiderium hoc perfectionis acuendum cum videbitur, juvare poterit aliqua ex his septem considerationibus quæ subjicientur. Sic quoties remitti animum ad pietatis exercitia & torpescere senties, ex istisdem collige unde eum promptum & alacrem in divinæ Majestatis obsequio reddas. Maledictus enim homo est qui facit opus Dei negligenter: hilaremque datorem



torem diligit Deus, neque sibi ex tristitiâ aut necessitate, sed bona voluntate optat serviri.

Hanc ut habeas & augeas, primò sæpè statue ante oculos tuos creationis tuæ finem, atque ante omnia divinam præsentiam, quâ nihil efficacius ad opera pia strenuè faciendâ, & orationem rectè perficiendam. Pluribus hæc jam suprà c. 1. tractata sunt, & infra tractabuntur.

Secundò, attende seriò hanc forsitan novissimam actionem, v.g. orationem fore, & occasionem Deo opt. max. supplicem pro æternâ salute libellum offerendi.

Tertiò, vide quot mala te circumdant, à quibus, nisi ad virtutem & orationis asylum confugas, liberari non possis.

Quartò, aspice Sanctorum fervorem, eo que te languentem accende.

Quintò, audi Ecclesiam matrè undique ab hostibus oppugnata, à te perentè strenuos in virtute progressus & orationum subsidium; imò & Christum Dominum, qui amore nostri in Venerabili Sacramento nobiscum permanere dignatus est, & exponere sese mille injuriis, quibus eum quotidie improbi afficiunt, quasque vitâ sanctè institutâ & oratione, bonâ parte posses avertere.

Sextò, neque minùs te excitabit animarum imploratio, quæ in Purgatorio detinentur, & orationum suffragium efflagitant. ô quàm piè & fructuosè unam horam, si daretur impenderent!

Septimò, fac te videre animarum pereuntium numerum, & orationibus atque omni pietate adjuvare contende.

Exercitium supradictâ motiva complectens.

**D**E fecit caro mea, & cor meum, Domine Deus meus, longè à salute meâ verba delictorum meorum. ô Domine, quando respicias, quando restitues animam meam à malignitate hostium meorum, & à leonibus unicam meam? Ecce dereliquerunt me

1. sine creationis & Dei præsentia propositâ.

2. novissimâ hac foris horâ.

3. malis circumstantiis.

4. Sanctorum fervore.

5. Ecclesiâ pro eis expectante.

6. animabus Purgatorii suffragia postulantiis.

7. multitudine pereuntium.

Psal. 72.

Psal. 21.

Psal. 34.



- Iob. 7. vires mea: memorare, queso, qua mea substantia, nonne ventus est vita mea, & forsitan illius extrema est hora quâ licebit in tēpore miserendi alloqui te, ô Pater misericordiarum, & operari pro te?
- B. rn. serm. 4. in Cant. Multiplicati sunt qui tribulant me super capillos capitis mei, qui oderunt me gratis, & insuper timor & tremor venerūt super me, & contexerunt me tenebræ: non legere libet, non delectat, meditationes solitas non inuenio. Eheu! ubi est illa inebriatio spiritus? ubi mentis securitas & gaudium, & pax in Spiritu sancto? Atenuati sunt oculi mei, suspicientes in excelsum quādo apparebo in conspectu tuo, in concilio iustorum, & congregatione Sanctorum tuorum caritate summâ ardentium? quo pacto succurrâ Ecclesia matri opem poscenti? quomodo solabor gementes in Purgatorio animas sponsas tuas? quis mihi tribuat, ut avertam ab interitu tuo precioso sanguine tuo redemptas, ad quas infernus dilatavit os suum!
- Fervoris propositū. Obsecro, Domine, da mihi incensum offerre dignum in cōspectu tuo, & vitam in melius instituere. Velociter exaudi me, quoniam defecit me virtus mea, quoniam benigna est misericordia tua. Da mihi operari cibum qui nō perit, in vitam æternam. Da mihi pro te vivere, & laborare usque ad defatigationem; & ne, obsecro, sinas ut prudentiores sint filii huius sæculi filii lucis in generatione suâ. Et verò qui quotidie pascor celesti mannâ, & cibo fortium, ignavus esse potero? cui quotidie ex infinitâ, & ardenti charitate propinas tuum sanguinem, poterit surrepere maledicta tepiditas? Ita Domine, ita Domine, ideoq; Apostolus tuus aiebat:
1. Cor. 11. Inter vos multi infirmi & imbecilles, & dormiunt multi. Respice verò bone IESV spes mea, respice in me secundum multitudinē miserationum tuarum, & ne avertas faciem tuam à puero tuo,
- Psal. 68. intende anima mea, & libera eam, propter inimicos meos eripe me. tu scis, Domine, improperium meum, & confusionem, & reverentiam meam: in conspectu tuo sunt omnes qui tribulant me.
- Psal. 67. Si respicere dignatus fueris, sicut fluit cera à facie ignis, sic peribunt omnes peccatores, & inimici mei à facie tuâ; & exaltabo te Deus meus Rex, & benedicam nomini tuo in sæculum, & in sæculum sæculi. Amen.



*Meditatio de tepiditate & acedia.*

ORATIO præparatoria solita.

COMPOSITIO LOCI. Aspice supra te velut cælum apertum, atque ibi Beatos de momentaneo labore exultantes; infra, damnatos de momentaneo gaudio ululantes.

ORATIO, ut supra.

PUNCTVM I. Considera Primò damna acediæ: multam enim malitiam docuit otiositas. Et Primò, tentationi omni exponit, quia tristitiam adducit & paupertatem; quia dum tempus est, negligit seminare & operari. Secundò, est velut tinea virtutum ac meritorum, cum omnia à tepido imperfectè fiant: homo enim instar limacis ad omnia tardus evadit, consolationesque ipsa spirituales arefacit, facitque plenum suspicionibus, & desideriiis vanis; denique maledictus est homo qui facit opus Dei negligenter: usque aded ut talem dicat Dominus se evomere ex ore suo. quid infelicius? neque hoc tantùm, sed & talenta quæ dederat, aufert à pigro, atque eadem habenti ac diligenti largitur. Aspira ut sup. pag. 8. *Hæcine firmâ, &c. ibid.*

*Eccl. 33.  
Acedia tristitiam & paupertatē spiritualem parit.*

*Acedia velut tinea anima est.*

*Deut. 15.*

*Apoc. 3.*

*Matth. 25.*

*Collat. 6. c. 7*

*Nemo repente fit malus.*

*Gregor in pastor. c. 35.*

*Tepiditati assuetus difficulter emendatur.*

*Lib. 8. Confess. c. 5.*

*Matth. 20.*

Tertiò, adducit acedia hominē in periculum lapsus gravis nam, ut Cassianus, non subita ruina credenda, si aliquis labi visus, sed sensim vitiis increbrescentibus casu miserabili concidisse existimandus est. Quartò, id quod longè gravissimum, periculū magnum est nunquam emergendi ex tepiditate. Qui enim in peccatis est, adhuc conversionis fiduciam non amisit: qui verò post conversionem tepuit, etiā spem quæ else potuit de peccatore, subtrahit. Ratiò verò est, quia nascitur ex tepiditate mala consuetudo: & ut August. dum consuetudini non resistitur, fit necessitas. Considera præterea ferventium gaudia, tepidorum molestias: coguntur enim portare pondus diei & æstus, & tamen nequeunt solatia participare, cum conscientia

R 5

perpe-



*Tepidus ve-  
re est miser.  
Ser. 6. de Af-  
fect. Domini*

perpetuò urgeantur, atque inter mundi & Dei gau-  
dia locati, neutris frui possint, desiderijsque molestif-  
simis ferantur; adeò ut Bernardus dicat : Num tibi  
horum tepidorum vita inferno potiùs appropinqua-  
re videtur, dum intellectu affectui, & affectu intelle-  
ctui repugnante necesse habent mittere manum ad o-  
pera fortium, qui cibo fortium minimè sustentantur?

*Hæcine vera, ut supra pag. 7.*

*Matth. 3.  
Fervida  
Christi  
Sanctorum  
exempla a-  
cediam no-  
stra expellit*

*l. 10. c. 25.*

*Fervor mü-  
danorum in  
temporalia.  
Vita brevis,  
ergò sedulò  
laborandü.  
2. Cor. 9.  
Ephr. in 2.  
Domini Ad-  
ventu to. 1.*

PUNCTVM II. Considera illa verba, Omnis arbor,  
quæ non facit fructum bonum, excidetur. Secundò, la-  
botes Christi pro tuâ salute susceptos, pœnitentias, o-  
rationes, legis observantiam, etiam si non teneretur.  
Tertiò, Sanctorum labores, Apostolorum, Martyrum,  
pro suâ salute consequendâ; & accingere ad opus. il-  
lud enim remedium optimum docet Cassianus. Con-  
sidera Quartò fervores eorum omnium qui Religio-  
nes ingrediuntur: vide pompam virginum mundo va-  
ledicentium. Quintò, ut omnia creata strenuissimè la-  
borent. Sextò, homines mundo deditos, honori-  
bus & operibus inhiantes. Septimò, brevitatem vitæ  
nostræ, quodque nox veniet fortè hodie, quando non  
licebit laborare. Octavò, quòd hilarem datorem di-  
ligat Deus. Nonò, novissima considera, & tempus ir-  
recuperabile præterite: unde ne simus hîc negligentes  
carissimi mei, ut non per infinita sæcula pœnitentiam  
agere cogamur, ait B. Ephrem. *Aspira, ut sup. pag. 8.*  
*Hæcine firmâ fide, ut supra pag. 7.*

*Prov. 12.  
Ezech. 16.  
Prov. 21.  
Iob. 5.*

*1. Cor. 3.*

PUNCTVM III. Considera quomodo Scriptura  
invehatur in otiosos. Qui sectatur, ait, otium, stultissi-  
mus est: unde etiam hæc iniquitas Sodomæ fuisse dici-  
tur: & alibi: Omnis piger semper in egestate erit. Se-  
cundò, considera, hominem natum ad laborem, sicut  
avis ad volandum, & unumquemque propriam mer-  
cedem accepturum secundùm suum laborem. Tertiò,  
considera quid in hoc mundo utile ac pulcrum, aut  
jucundum, in victu vestitu, quod sine labore à nobis  
aut



aut à bestiis haberi possit: imò omnia operantur, cælum & terra, Deus etiam ipse. Pater meus usque modò operatur, & ego operor, ait Dominus; & tu torpere & otia-ri auderes? Quartò, considera stagnantia & torpida omnia putrescere, hebescere ferrum, & rubigine obduci, sine usu, & ut Ambrosius, tentare otia, quos bella non fregerunt. Quintò, vide, ut periculum omnia perden-di merita adeant tepidi, sicut & peccati gravissimi, & numquam mergendi ex torpore, ut suprà dixi, quia scilicet se sanctos putant: deinde quia tentationibus omnibus otiosi expositi sunt. hinc Matthæus: Dum dormirent homines, zizania superfeminata sunt: Israëlita ad idololatriam per otium illecti: Samson victus, & David ac Salomon ceciderunt. Sextò, Dominum at-tende operariis dare mercedem, non otiosis; & eum qui parcè seminat, parcè & metere. Septimò, præmium immensum considera, & pudeat ob obolum munda-nos ita strenuos, te tam pigrum ob æternitatem. *Hæcine vera*, ut supr. pag. 7. vel Oratio ut suprà. *Defecit*, & c. ut sup. pag. 263.

*Natura ipsa  
torporem  
horret.*

*Serm. 11.*

*Cass. collat.*

*4. c. 19.*

*Matth. 13.*

*Exod. 32.*

*Matth. 20.*

*Praxis ad teporem abjiciendum.*

Considera in secreto cordis tui signa tepiditatis. Primò, hor-rere difficultates, abjecto animo esse & pusillanimum in ar-duis, desperare finem, & hinc otium quærere, tempusq; perde-re. Secundò, divinis non delectari, at facile fatigari, frigide Sa-cramentis uti, & absque conatu ad fervorem, remisse orare, ac sine attentione: vagis orationi interesse oculis, spuerè, aliorum defectus notare, illis suos velare, fictè confiteri, verbum Dei gravatè audire, examinare se perfunctoriè, & ægriè colligere. Tertio, zelum non sentire, consortia hominum quærere, ad fastidium levandur; alios observare, censere, ac iis obrectare. Quarto, effundere se in corporis commoda, memoriã repe-tere mundanorum gaudia, ad ea suspirare, divinos instinctus ad vite severitatem non advertere, undique emendicare solatia, honorificè haberi velle, & honorifica affectare. Quintò, negli-gentem esse in iis quæ præcepti & consilii, circumstantias ac caerimonias facile omittere, inconstantem esse, disciplinam gravi-

*Sex signa  
tepiditatis.*



*Alia signa  
ex Firmano.*

graviter ferre, ac tardè obedire, indignari melioribus, putarè quòd alibi melius proficeret. Sextò, excelsa vox, sermo rigidus & superfluus. Hæc ferè ex Bernardo Serm. 6. de Ascens. Cassiano l. 10. c. 2. 3. 4. item l. 12. c. 25. 26. 27. Seraphinus Firmanus: Tepidus, inquit, dicit, Non est jam vita Sanctorum, verbaque movet otiosa, captiosa, cavillis plena, curiosa, inania; securè in dies recedit, teporem excusat per discretionem, arrogantiam dicit maturitatem.

*Parva superando alacriter paulatim accediam tollit.*

*Accediam tollit imposta tibi necessitas.*

Secunda, à parvis incipere utilissimum, eaque constanter agere potius quam multa complecti: sic enim crescit animus & ad ardua comparatur.

Tertia, necessitatem sibi imponere, vel voto pœnali, aut spõsione, aut aliter. optima certè hæc necessitas secundùm Augustinum, quæ ad meliora compellit. Observandum autem hæc non inceptare quempiam oportere, nisi multâ præmissâ oratione, aut saltem crebriore, cum nullum propè genus morbi difficiliùs curetur. Alias toto propè libro praxes reperies.

*Dignatus es, ut supra pag. 10.*

### IACVLATORIÆ.

*Psal. 41.*

*Psal. 4.*

*Psal. 70.*

*Psal. 6.*

*Psal. 37.*

*Ibid.*

*S*itivit anima mea ad Deum fontem vivum.

*V*squequo gravi corde, ut quid diligitis vanitatem, & queritis mendacium?

*N*e projicias me in tempore senectutis, cum defecerit virtus mea, ne derelinquas me.

*L*aboravi in gemitu meo, lavabo per singulas noctes lectum meum, lacrymis meis stratum meum rigabo.


*N*on est sanitas in carne mea, à facie ira tua: non est pax ossibus meis, à facie peccatorum meorum.

*M*iser factus sum, & curvatus sum usque in finem: tot à die contristatus ingrediebar.











NON Æ IMAGINIS  
ANNOTATIO.

Mors instat, vita fugit; quid ces-  
sas viator?

**C**onsidera **A** tempus vite incertum, breve, volucre. Fingitur illud personam grandæviam senis; quia in singula momenta innovatur, convescitur, labitur simul ac emoritur tempus. Vtere igitur quasi mox transituro. Ejus fluxum horaria **B** clepsidra notat; ab hora autem & vita filio pendet aeternitas; in quam mors nec opinantes rapit. Aeternitatis hieroglyphicum veteribus est anguis circum faciens; quia hic neque principium, neque finem habet: & ipsa à filo fragilis hujus vite dependet. Fugit hæc instar **C** fumi, bullæ, sagittæ, navis, fluminis, avis, cervi, ac verni floris: **D** messis instar decerpimur; ac velut **E** candela extinguimur, flatu minimo. Vigilandum itaque: nam **F** securis ad radicem posita est. Qui sapiens est custodiet hæc, & vivet: agetque omnia quavis hora, quasi **G** novissima foret, ut monet Angelus. Et merito, hanc enim felix aut infelix **H** aeternitas exceptura est.

CAPVT